

Tiraduras han mess la concorrenza sut pressiu

Tar il campiadadi chantunal dad arma e pistola 10 meters a Val han las participantas sajettà pli ferm ch'ils participants. Per il team da la Surselva hai dà intginas medaglias. Annina Tomaschett daventa en la categoria elita campionesa grischuna cun l'arma pneumatica.

Gion Nutegn Stgier/FMR

Per l'organisaziun dal campiadadi grischun arma pneumatica e pistola 10 meters è stada responsabla la Societad da tir Val. L'organisaziun è stada perfetga e l'occurrènza ha er testifitgà che la garda giuvna da tiradurs e tiraduras è ina segira valur per l'avegnir. Tratg ferm a Val han cunzunt las mattas ed uschia mussà a la concorrenza il campiu.

Gist tschintg da las famiglias Tomaschett

Il final tar l'elita cun l'arma pneumatica han sajettà ils otg megliers participants e participantas da la qualificaziun. Remarcabel è bain che en quel final eran las famiglias Tomaschett da Trun e Rabius gist represchentadas cun duas finalists e trais finalistas. *Annina Tomaschett* (Trun), la commembra dal cader naziunal, ha lura tratg precis e daventada campionesa grischuna. Cun 243.4 puncts ha ella tratg trais puncts dapli che ses cusrin *Nicolas Tomaschett* (Rabius). Quel ha schizunt gè fortuna da sa qualifitgar per il final, cun esser suenter la qualificaziun piazzà gist sin il 8avel post. Cumplettà il podest ha *Norbert Caviezel* (Cuir), il retg-tiradur da la Festa da tir federala 2020 a Lucerna en il camp D, arma da militar 57/03. Tar ils juniors èn gist sis mattas stadas da la partida tar il tir final cun l'arma pneumatica e be duas mats. *Jana Kessler* (Schiers/Aschera) ha gudagnà il final avant *Martina Herrli* (Monstein) e *Chiara Weishaupt* (Degen). En la categoria arma pneumatica posiziun pusada è vegnì campiu grischun *Alessandro Rotta* (Vicosoprano).

Pauc da far cunter la concorrenza dal Partenz

L'occurrènza da pistola è stada suttascritta da la dominanza dals tiradurs e da las tiraduras dal Partenz. *Nando Flütsch* (St. Antönien), l'antierior junior dal cader naziunal el è vegnì campiu grischun tar l'elita. El ha tratg gist otg puncts dapli che *Ramon Crameri* (Zezras). Cun il terz plaz da *Sybill Tschärner* (Schiers/Aschera) è in'ulteriura medaglia ida en il Partenz. Menziunà saja che Flütsch è sa retratg dal sport da prestaziun ord raschuns professionalas. Ina classa per sasez è stada en la categoria juniors pistola *Sina Flütsch* (St. Antönien). Ella è daventada campionesa grischuna cun in avantatg da 18 puncts sin *Mia Hartmann* (Lunden). Cun in resultat da 233.2 puncts ha la nova campionesa grischuna sajettà in nov record chantunal. Sin plaz trais è vegnida *Liana Felix* (Cuir).